

中國方志叢書·華中地方·第四七七號

據

清·李登雲修，陳 坤等纂
清光緒二十七年修，民國元年補刊本

影印

浙江省

樂清縣志

(一)

成文出版社有限公司印行



10102997

中國方志叢書·華中地方·第四七七號


據

清·李登雲修，陳 珮等纂
清光緒二十七年修，民國元年補刊本

影印

浙江省

樂清縣志



成文出版社有限公司印行




10102996

中國方志叢書·華中地方·第四七七號

據清·李登雲修，陳 珣等纂
清光緒二十七年修，民國元年補刊本
影印

浙江省

樂清縣志



成文出版社有限公司印行



10102995

中國方志叢書·華中地方·第四七七號

據

清·李登雲修，陳 珣等纂
清光緒二十七年修，民國元年補刊本

影印

浙江省

樂清縣志

(四)

成文出版社有限公司印行



10102994

中國方志叢書·華中地方·第四七七號

據

清·李登雲修，陳 珣等纂
清光緒二十七年修，民國元年補刊本

影印

浙江省

樂清縣志

(五)

成文出版社有限公司印行



10102993

中國方志叢書·華中地方·第四七七號

據清·李登雲修，陳 坤等纂
清光緒二十七年修，民國元年補刊本
影印

浙江省

樂清縣志



成文出版社有限公司印行



中華民國七十二年三月臺一版

樂清縣志

共六冊

發行人：黃成助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

版藏尊經閣

樂清縣志

蘭筆馬元題

光緒辛丑
季冬工竣

重修樂清縣志序

粵自楚臣能讀三墳八索之書周官實辨六典九服之治龍節虎節達山澤之宜訓方形方制邦國之體金簡探策則禹益傳經玉海長瀾則桑扈記水應仲遠之風俗通義楊子雲之輜軒方言並著洽聞傳之後代縣義娥而耀景榮竹帛以騰文不獨古甫卜道之圖元豐九域之志爲地理之嚆矢肇邑乘之權輿已也樂清僻在海濱舊總甌越回浦章安之建置臨海牙甬之分析雲門張樂簫臺吹笙文君隱處之鄉謝客盤遊之地美其疆土跨榴嶼與柎溪偉其山川

卓龍湫於雁蕩王忠文之對策鸞鳳赤霄章恭毅之
直言風霜清節文傳二谷自折弁州之心亭仰三高
不數吳門之躅區域之勝如此人物之茂如彼則有
淳熙己亥之編大德甲辰之紀內史外史具見端崖
班書范書猶存髣髴元明之易代徵隆慶之前修
皇朝闡珍寰海同鏡載述遺烈兩振芳塵金匱石室之藏
理資來哲夕秀朝華之啓義取隨時

聖天子重光赤奮若之年邑人鄭寶卿洪舟卿諸君追逸
驥於風雲麗雕龍於綈縠發凡起例全提虎觀之綱
徵實秉公默契麟經之旨搜羅故事採訪軼聞懋厥

典裁哀然成集余適奉檄來權是邦期年單父之琴
曷月揚水之詠持書索序臨別贈言今夫五紫一素
者表正則景直也扶麻漸芷者習貫則性成也人智
人武南北殊方士肆士拘周秦異教文翁化蜀江漢
炳其英靈管仲相齊海岱被其冠履用上化下草偃
風行若其起累土而崇成臨深谿而知厚櫟栢之木
可以爲輪琢磨之玉可以爲器千灌萬辟乃有神劍
之鋒書肆說鈴要諸聖人之道今者胡星彗孛世運
凌夷晦風雨而鳴雞筆荆榛而啟路不昌正學曷也
華風熏五步之芬芳存十室之忠信和親康樂蒸善

良以登書正德厚生薦純龐於比戶所斷同志共亮
斯文至於職官政賦之方禮教物產之數奔石海錢
之異詎那梅塔之靈杼軸羣言旁薄萬彙孕鴻濛於
罔外正證太平寰宇之篇緝藻繹以開端庸叙孝侯
風土之記

賜進士出身

誥授朝議大夫刑部山西司主事浙江截取知縣署理溫
州府樂清縣銜山李登雲謨

重修樂清縣志序

光緒二十五年冬十月

寶銘

奉檄至溫州權知樂清縣事樂清

諸君子方取舊志而重新之不以

寶銘

爲不文也而乞爲

之序嗚呼民生之困至今日而極矣風俗之頹敗物產之
消耗地有遺利而不知興人有餘力而不知用患貧患弱
不惟爲

朝廷憂亦且爲山川羞而其患皆由於吏治之不修夫吏
之初亦齊民耳或以科舉或以資入其志行豈必盡異於
庸流而以之寄百里之命則任大責重於古封建時一公
侯大邦也

寶銘

下車三月百廢待舉漸有以副上台之委

任者昕夕旁皇必有以待我樂清之民者自慙其涓埃之
無補也攷樂清戶籍七萬一千男女三十三萬三千其人
民不爲少矣貧富貴賤強弱熾惡之不齊而待治於一令
或非智慮所能周然苟存父母斯民之心則饑飽苦樂之
殊情而求得其所體諸身而無不切也秀頑良楮之不同
類習俗好尚或交蔽以歧其趨而教有不行里胥社長或
舞智以撓吾法而澤有不逮然苟懷哀矜惻怛之念則寬
嚴威惠之殊用而悉畏其神盡吾誠而無不格也法律科
條之布在令甲或紛紜繁賾而不可窮然苟達其意而不
泥其迹則令之所及者吾無室焉令之所不及者益得以

展吾志行以簡而無不通也讀古人之書而師其意攷先賢之成法而因時地以制其宜尙不至層累隔閼去民遠而未由下究也顧自王忠文於梅溪倡道砥礪儒修朱考亭三至是邦聚徒而講道有小鄒魯之稱其流風餘韻猶有存者今諸君子方取舊志而重新之竊喜文獻之足徵藉以佐治理之不逮也夫居其位莫舉其職坐視風俗之頽敗物產之消耗無道焉以拯之是地方有司之責也旣志吾媿亦以正告樂清之爲士者使聞吾言而興起窮則獨善達則兼善不更有以增邑乘之光乎

光緒壬寅孟春權知樂清縣事吳縣錢寶銘譔

孟子集注